

25 джилд акушерк көдлджәнә

Элсг балгъсна поликлинни-кд бәәсн күүкд улсг сүв-сел-вг Өдгг (консультаций) газ-рур Өдр болгън гемтә-шалтг-та, эс гидж саата күүкд улс ирцхәнә.

Эдниг джөблн хәләцтә, дө-чәд гарсн наста, үснәннь ир-гәр цагъан экләд орад бәәсн күүкд кун тосдж авна. Тань-дго күүнә бийнь эн акушер-кин ээлтә бәрцд, джөблн хә-ләцд эмәл уга шалтган цуг-тнь келдж Өгнә. Хәрүднә аку-шерк хамгин ицлтә, гун сүв-селвг Өгнә, тер ирсн күүгъән гем-шалтгасн гетлгльн, онь-инд хәләгъәд, шинджлнә.

Эн—хөрн тавн джилин ту-ршарт акушеркәр көдлдж йовх—Эльзата Бовеновна Уг-насунова.

Хөрн тавн джилд дурта кө-длмшән кегъәд, олн әмтнә зергләнд йовад, төрскн орн-нутгтан болн олн келн әмтн-дән тусан күргнә гидг—ик чинртә, кундтә болн герлтә хаалгъ.

Эльзата Бовеновна 1914 джил, ода бәәх, Зәпадн рай-онд, Бүдрмс-Көвүд гидг сел-әнд гарсн.

Миньгън йисн зун гучдгч джил, дөрвдгч класс чиләсн, арвн зургъата күүкиг, үр күүкдтәгъинь, Советин йосна шиидврәр, Саратовск медици-нск политехникумд илгәсмн.

Бүдрмс-Көвүд деерәс, зур-гъан күүкиг цар тергнд суу-лгъад авад гархла, медәтә улс келцхәсмн:

—Я—а, нохадьг, күүкн кун юн сургъуль даскув. Уснь ут, ухань ахр...

Арвн тавга, арвн зургъата куукд бийснь чигн эәтжә-ав-иннь хаджугъас хол газрт йовдж сургъуль дасхдан дала дурта биш бәәсмн.

—Ганцхн Советин йосна нилчәр, бидн, угатя улсин үрд, кун болдж гарлавдн,—сидж ода Эльзата Бовеновна келнә.

Гурвн джил Саратовд сур-гъуль дасад, миньгън йисн зун гучн дөрвдгч джил хәрү хальмг тег талан ирхлә, багъ наста специалистиг Красно-Михайловск селәнә эмчин участкд илгәсмн. Тер цагас авн Угнасунова акушерк болдж көдлә.

Көдлмшин турун эклцд нань чигн көдлмшлә әдл, ик олн кунд йовдл харгъв. Нег-двр болхла, эс медгдсән ма-гълджәх юман цәәлгъдж ав-хин кергт, талдан тинм мед-рлтә күүнәс сурн гихлә—эрг-нд эмч уга билә.

Эльзата Бовеновна ганцхн акушерствәр биш нам йосн эмчин кех көдлмш күүцәдг билә.

Ташр деернь, эргнд бәәх Ик-Чонс, Багъ-Чонс эргдж бас әмтс хәләх кергтә болдж гардн.

Унән келх кергтә, турун эклцд хальмг күүкд улс бич-кн күүкдән баахн акушерк күүкәр бәрүлхдән иткдго би-лә, икнкнь эмгдудт одмн. Иим йовдлла бас ноолда кех керг-тә бәәсмн. Эн көдлмшиг чигн Эльзата Бовеновна седклән Өгч кесмн.

Акушерк Угнасунова Элстд, Кануковд, Минусинскд, Мари-инскд—хама болвчн көдлхлә-рн, оньинд ухан-седклән, медрл-сургъулян Өгч көд-ллә. Тегәд чигн оньдин мбрә авна, грамотсар ачлгдна, ме-дальта.

Эльзата Бовеновнаг турун сургъульд гарад йовджахд медәтә улс дамндж келсн үг хаджгър болдж гарв.

Терунә күүкнь—Людмила Николаевна, үлгүрлхд, Ломо-носовин нергә Московск Го-сударственн университетд дасджана. Эн ик байр, энъ-зах уга кишг, дүрклсн сәәхн джиргъл.

Эльзата Бовеновна Угнасу-нова Өдгә цагт Элсг балгъсн а поликlinikкд көдлджәнә.

Алексей БАЛАКАЕВ.